

少師朱襄毅公督蜀疏草

原序

大司馬制臺朱公既定錦城之變仗鉞行間犁庭拓土  
有成勞矣藩屬宰乃請軍中前後奏記書檄彙而梓之  
公曰社稷之福也上之武也將士之効命也臣何力之  
有嗟乎公之功寧可護哉神皇帝數十年來德化洽  
乎寰海威靈震於忽荒曾是蟻蟲小存有衡命而全者  
天奪蘭魄世濟其兇忘瀦播之殷鑒借戍遼爲彘端獸  
駭渝城烏團會省於時爲今上紀元公以左轄入覲甫  
登車變聞直指薛公推公權軍務而督撫軍符乃在賊

中且承平久軍政悉廢壞器具資儲墉堞斥候一無可恃賊以必死之勢衝我腹心視成都不啻口中蟲公形孤而氣猛內機警而外鎮靜堅壁清野晝夜捍禦者百日竟以完賊走賊聞既天子晉公大司馬賜劔推轂公乃移師歷境躬履菁莪宣忠義以作士氣明賞罰以激人心千年瘴癘籍爲縣鄙牢豕釜魚漏刃譬刻破怒螳挺鹿之心壯玉壘金縷之氣於都盛哉蓋天眷盛明故豐生名碩以紓西顧之憂播孽挑禍則李公彰其武蘭墜危死則朱公揚其威吁漢雄略照耀後先均足以勒

鼎彝而誓山河矣相提而論則功無軒輊而勢有難易  
蓋播之罪止於逆我顏行戕我偏裨猶萬一與撫而我  
亦得以撫綏之而徐爲計茲者賊知不赦而決於一逞  
我且負扞而汲守陴而臨如猛獸突起搏噬壯士亦爲  
夫措此其難在應卒播之彼非不借苗攻苗要皆輯之  
邊徼介以我軍權形情而驅策之未始與共患難入堂  
奧也茲且聚殪裘於孤懸之一城董卜瓦寺水西諸番  
俱難以言語通詎可以漢法馴好令之則驅狐以擊兔  
也嚴督之將拒虎而進狼也此其難在駕馭播雖橫尚

不敢踰碁江一步吾聞左皆兵露積皆餉也茲且高躍  
狂雷破殘全蜀之半氣息未屬而欲起瘡痍以荷戈劍  
瘡肉以飽士能乎此其難在內先耗征播時海內晏然  
無事合七省全力以制夜郎死命老謀宿將雨驟雲屯  
武騎材官星流電掃用稍不足取諸鄰帑如寄茲且外  
絀於遼內騷於魯黔中又告變甚急形分肘露而蜀且  
傾影枵腹以待之不幾枯魚乎此其難在外相掣四者  
集事之大患也而竟以底績蓋公善用窘而貴持重成  
善在不爭目睨敵雖跳梁躑躅終不出吾彀中假令

公從容而衡播不又事半功倍也哉抑更有難於此者夫逆濠之變新建以便道殄巨憝誠爲千古奇伐然以專制則撫臣也以便宜則有兼勅也人臣急難何處不勉公初以藩宣攝督撫匆匆焉白版空拳以當駭機遙而陳萬里懼以意外疑迫而令三軍懼以局外玩嗟乎當此時凡公所爲極難矣自非仁足以懷明足以懾度足以容忠足以感指授方略動中機宜足以詘羣謀而得死力敷陳利害根極情狀會文切理洞若指掌足以符廟筭而當宸衷胡以得自展布之爲愉快耶方公初

任事時宰待罪臬司日屬橐鞬以與公周旋一切號令徵發之旁午皆所目擊及公晉秩討賊宰又忝公前官總財賦以佐公酌取一切權宜調濟之艱難又皆所親承故知公之所以成功者甚悉夫新建之學術不可見而見之韜略新建之韜略不可見而見之奏記書檄公亦宜然蓋公非以書爲兵而以兵爲書以書爲兵跡豈履以兵爲書影卽燈奏記書檄誠不足以盡公而舍是亦何以見公哉猶記賊渡裨木江傲報日數十至人人莫自必其命公徐曰賊來耶吾政患其不來宰請其故

公曰賊若據重慶之險以一軍塞瞿塘而犄角叙瀘剿之誠爲費手今孤軍深入此成擒耳及圍城久莫不幾幸解嚴公曰野掠已盡賊將走矣吾正恨其走宰又請其故公曰賊頓塞城下勢如觸藩倘得二三兵使者以偏師扼其歸路而乘懈蹙之賊可立盡夫來而殲諸原與往而窮諸穴孰逸凡此者偃息譚笑玩賊股掌外若示無恐以鎮人心而實切中兵機卽留侯借箸衛公抵掌何以過是則公神宇之吐吞妙運之操縱詎可測識乎哉是書也梓者非特張九重之撻伐標元老之勲庸



已也事之始末具存民之勞費備見蘭之沿革可考將  
采芑之章謀國者勗焉小東之嗟牧人者念焉黃裳之  
占生杞之歌保爵土保首領者惕焉於以洪敷聲教而  
享泰寧之福於無窮詎不休哉四川等處承宣布政使  
司左布政使清漳林宰謹序

大司馬恒嶽朱公既定錦官之變復仗鉞臨戎次第掃  
平蘭土略極古不臣之地闢爲郡邑越明年以成功告  
於天子諸藩臬屬吏侍公久始終與公同患難與帷籌  
悉知公苦心狀請軍中前後奏記書檄彙而壽諸梓公

曰上之武也社稷之靈也師武臣之用命也臣實無功  
烏用是災梨覆瓿者爲嗟乎公之功詎奏記書檄之所  
能悉哉疽之作也蘊隆於軼理徐而蒸於脉發於音見  
於面審虛實察表裏而輕重治之雖患在腹心中醫可  
以素救疾發而不及紅腫而不及備瓊目束手雖患在  
肢體舍公越人且望而走矣蜀之變繼三韓而起說者  
謂患在四肢然非中醫之能瘳也藺酋發難於渝城爲  
今上改元之十一月公方以輯瑞戒行報至公策曰賊  
據我門戶必窺我堂奧旦晚且薄成都如燹去城誰與

守遂解裝從便宜署撫院事誓衆登陣屬某等畫四門  
守焉時承平久銷兵寶劍長鈞勁弩千楯矢石諸捍衛  
具一無所有堯鞮鞋韜之士大袖長紳都雅不任革搜  
藩帑僅入千金城中人有謂其必不可守者賊連破四  
十一州縣飛翰而來所過如拉朽其視成都几上肉耳  
公戒勿與戰一意堅壁老之夙夜厲氣巡城修戰守具  
飛檄各諸郡縣土司兵爲援間出偏師擾賊無不克捷  
公又策曰我師雖成然彼衆我寡僅可禦賊未能走賊  
也審遣間諜搆賊腹心爲應遂大戰於城南賊營中火

起痛哭踉蹌以遁乘勝盡恢四十一州縣天子嘉公功  
晉開府賜尚方劍得專征伐公乃秉鉞臨戎剪樊龍於  
渝驅逆寅父子於瀘密搆賊之股肱腹心若而人以爲  
用逾歲舉蘭土蕩平之大都得間諜力蓋變起倉卒之  
間兵不暇緘糧不及等間機謀策出人意表以收成功  
於都盛哉明興無得志中國之苗賊有發輒剪李司馬  
之於播王文成之於粵今其奏記書檄具在而先後勢  
殊二公席全盛之餘呼兵兵應呼餉餉應知謀之士廉  
勇之將投袂而從者照映史冊而今一切烏有夸考其

運籌決策機發於九天之上神運於肩睫之間三君子  
苦心先後一揆而禍發在先籌兵科餉在後肘掣神枯  
收功於萬不可幾之日則易人所難公之神識不可以  
常情測矣蓋公蒞蜀久德澤翔洽人心者深奔駭散亂  
之衆一呼輒集是爲善用滑聞左蓋藏什九爲賊所掠  
流離墳墓之際猶竭力供億饑軍餒卒嚼草根樹皮殆  
盡弗譁且怒是爲善用貧公威信素著蠻獠石砮高楊  
董下諸司之兵應檄卽至驅之如孝子順孫雖賊之肺  
腑烟燼悲狐兔犄唇齒者得卑詞凡語輒屏息不敢動

是爲善用存公至誠惻怛可格豚魚間諜所入輒深信不疑如羅乾象張令韓袍等先皆爲賊出死力抗我顏行者檄諭之輒俛首歸降縛賊妻擒僞將相以獻卽妻子爲賊所戮受禍甚慘亦漠然不顧是爲善用間夫用間用奇用正審虛實察表裏之方也至用潰用貧則犯兵家所忌而卒以收功舉庸醫瞪目束手之症瘳之如反掌斯奇之奇已由斯以譚當奏記草檄時出于機應于卒止憑一片血腸上告天子中諭僚屬下通侏僂異類一以誠感以神運公且不自知其所以然而謂言語

文字足以盡公也哉朝廷今不惜元圭秬鬯加公以文  
成之賞公之功方將勒鼎彝照竹帛垂千萬禩不朽是  
集也將采芑之章謀國者勗焉小東之嗟牧人者念焉  
黃裳之占生杞之歌保爵土首領者惕焉匪沾沾爲公  
苦心也四川等處提刑按察司提督學政布政司右叅  
議兼僉事三原來復謹序

少師朱襄毅公督蜀疏草目錄

卷之一

報接勅印蒞任疏

報成都圍解疏

請發帑金疏

就近議補監軍贊畫疏

報逆賊情形機宜疏

再接專勅討賊疏

優卹慘傷重臣疏



請禁白蓮妖教疏

糾叅擅回府正疏

失陷州縣功罪疏

附兵部覆疏

糾叅不職閩司疏

一次請告疏

司道全城敘功疏

加銜賢令理餉疏

報建武長琪失陷疏

塘報水鎮烏撒助逆疏

卷之二

選議將領疏

議擢材勇疏

糾叅鄉紳搆苗疏

道臣患病乞休疏

塘報克佛圖關疏

塘報復江安縣疏

塘報復慶高筠珙四縣疏

塘報殺敗援渝賊兵疏

報克重慶疏

查叅不肖有司疏

塘報擒降偽節度周鼎等疏

卷之三

報擒獲巨惡疏

會勘催兵科道疏

優恤殉難諸臣疏

議處衰庸疏

塘報遵義兵克金刀坑

優卹江門失陣文武疏

二次請告疏

就近陞補州正疏

三次請告疏

改任州官疏

改用縣令疏

議留陞遷邊閫疏

報遵義建武失陣疏

請將發帑救急疏

就近陞補重慶正佐疏

報總督移鎮辰沅疏

縣令給由疏

塘報各路賊情疏

降將立功

卷之四

復渝獻俘疏

加銜調補殘憊縣令疏

議處不肖有司疏

塘報蕩賊出沒截殺情形

塘報馬之良出犯地方

揭報就近陞補司道

咨設旗鼓中軍疏

咨葉達枝補寧越守備

京察自陳疏

加陞府佐疏

請催兌解楚帑疏

糾參縣令疏

請赦歸死逸囚疏

塘報五路情形

加銜侍郎謝恩疏

州縣給由疏畧

塘報各路功次疏

卷之五

加銜總督謝恩疏

奏繳巡撫關防疏

塘報各路捷音疏

縣令給由疏畧

加銜被羈張同知并補員缺疏

請補副總中軍疏

遵義道勅被焚請給疏

揭報改留余同知守重慶

塘報緝獲真正首惡王道達等

乞恩改給封典疏

縣令給由疏畧

糾叅攘功道臣疏



黎州土官襲替疏

卷之六

塘報各路功次疏

飛報取永大捷疏

補卹死事諸臣疏

克圍擒撫功次疏

催餉辭銜免扇疏

議處險躁監司疏

監儒助餉援例疏

保留給由府佐疏

州縣正官給由疏畧

報克古蘭擒斬西目疏

續塌報獲賊衣飾等物

邊加陞道員彈壓疏

就近改補改陞府佐疏

請勅專官督理黃冊疏

卷之七

卹陞鄰省仗節文武疏

亟議陞擢材官疏

褒旌蜀藩捐助疏

議調才望道臣疏

保留給由府佐疏

塘報擒斬招降功次疏

亟議加派兵餉實濟疏

請勅專官督理錢法疏

嚴究邊軍鼓噪盜弁疏

地震疏

四次請告疏

請調補遊擊并中軍咨

五次請告疏

府官加銜致仕疏

縣令給由疏

覆生員楊柱等招疏

塘報各路功次疏

優卹併補道臣疏

就近陞調府縣疏

塘報功次情形疏

地方水旱災異疏

補上陞用勞臣疏

卷之八

塘報戰敗攻永賊兵

議處貪殘庸劣有司疏

揭報大壩功次

飛報擒獲首兇疏

縣令給由疏

報蘭地善後機宜疏

塘報功次疏

府官病休疏

議處貪弁就便調補疏

辭銜疏

塘報功次疏

塘報功次疏

黔師失利疏

查叅貪穢有司疏

申明誤報擒兇疏

勘明失陷縣令疏

卷之九

掃蕩獻俘疏

州正給由疏

議留錢糧疏

加銜右都謝恩疏

擒治妖教疏

武弁從賊疏

塘報遵承功次

縣令病休疏

議留陞任將領疏

司道援例請封疏

縣令給由疏

六次請告疏

糾劾貪縱縣令疏

卷之十

議留朝覲官員疏



開銷帑金楚餉疏

縣令給由疏

議補鎮道中軍疏

議裁守渝副總守備疏

咨補都司僉書李必茂

就近陞補監司疏

優卹總餉道臣疏

恭報建南始爨情形疏

府佐給由疏

道臣病休疏

叅懲青衿凌蔑縣官疏

縣令給由疏

糾劾大計方面疏

糾劾大計有司疏

縣令給由疏

議補邊道中軍疏

塘報永遵二路出哨

卷之十一

辭免尚書重銜疏

議調建昌道臣疏

就近改補府佐疏

開銷三年用過錢糧疏

敘錄從征文武功次疏

塘報進兵施兵失利

卷之十二

直明邸撫悞報導義情形疏

保留給由府佐疏畧

簡兵屯守疏

史方伯病休疏

保留給由府佐疏畧

糾叅貪暴懦弁疏

保留給由府佐疏畧

縣令給由疏畧

留起運錢糧疏

捐俸助工疏

就近陞調急缺道臣疏

議改賢能官員疏

酌議陞調縣令咨

薦舉湖陝方面疏

薦舉四川方面疏

舉刺湖陝有司疏

舉劾四川有司疏

薦舉佐領疏

薦舉王官疏

薦舉教職疏

薦舉人材疏

舉劾武職疏

少師朱襄毅公督蜀疏草卷之

報接勅印蒞任疏

欽差提督軍務巡撫四川等處地方都察院右僉都御史臣朱燮元謹奏爲欽奉勅印并報到任事臣原任四川布政使司左布政使天啓二年正月三十日准吏部咨爲欽奉聖旨事該本部會題該鄖陽撫臣楊述中題爲川省異常兵變事等因奉聖旨土司樊龍等倡亂狂逞戕官據城罪在不赦其中或有激變等情兵部馬上

差人著該省巡按會同鄰省撫鎮等官相機處置亟宜  
剿定毋致蔓延巡撫員缺便推有才望知兵的作速前  
去鎮道等官查明速補該部知道欽此該本部會同各  
部都察院通政使司大理寺公推疏名題請奉聖旨朱  
燮元陞都察院右僉都御史巡撫四川等處地方提督  
軍務該省兵變一應調度剿定聽以便宜行事寫勅與  
他欽此備咨到臣臣望闕焚香叩頭謝恩訖二月初六  
日又准本部移送新頒勅書一道關防一顆到臣臣接  
領欽遵隨據按察司呈送前撫臣徐可求發收原領符



驗旗牌到臣接管行事其舊關防一顆俟事寧查追獲  
口另疏奏繳外爲照臣燮元樸楸小材駑駘下品身嬰  
多病原無匡濟之資識不通方豈堪軍旅之寄况重臣  
受禍責在保釐郡邑被兵計未撲滅職守旣已多曠罪  
譴自應首加殛蒙皇二軫念地方特賜容恕擢授節錢  
之任責以剿定之機寵命逾涯雖捐糜以何補忝承非  
分徒顛蹶之是虞顧臣七尺皆心一腔有血敢不激勵  
文武殲兇頑以靖封疆申飭紀綱勤拊摩以安黎庶奠  
三川磐石之固釋九重宵旰之憂此臣所以報皇上而

酬恩遇之職分也臣無任感戴激切屏營之至除逆酋  
敗遞成都圍解情形另疏題報地方剿定應行事宜陸  
續料理上陳外所有到任管理行事日期合行奏報天  
啓二年二月初九日具奏奉聖旨知道了該部知道

報成都圍解疏

題爲官兵屢戰大捷逆賊勢潰奔逃成都圍解恭慰聖  
懷事照得永寧宣撫奢崇明與子奢寅本一么麼小醜  
負國厚恩突謀不軌自渝州殺占之後父子統兵攻陷  
夔州縣律所三十餘處乘勢長驅直逼省會姦民被誣  
衆逾十萬自天啓元年十月十八日圍城四門徧豎寨  
柵僞立御營其稱孤僭號披猖之狀與百般攻具更進  
迭換皆耳目所未經見者幸按臣薛御史駐省指授方  
畧晝夜隄備一時寮案同心兵將效命大小百有餘戰

斬殺五千餘賊至天啓二年正月二十八日援兵將至  
密約夾攻臣與布政司右布政使周著按察司按察使  
林宰分守川西道副使戴燦提學副使胡承詔恤刑員  
外郎劉可訓見任雲南大理府知府薛承教監軍同知  
余新民侯世延楊楠通判段師文梁文燧推官羅寬知  
縣王琪等督令帶管總兵松潘叅將管副總兵事沈崇  
極原任副總兵顧鳳翔都司陳繼光僉書張承恩遊擊  
魯美中原任遊擊黃承爵原任都司范繼道加銜叅將  
薛來衍指揮周斯盛曹守爵馬應健常恭李必茂秦明

遠王國臣余弘緒邊一廉張維藩吳蓋臣汪起鰲張應  
甲劉繼勳馬河圖李朝柱劉宗良何湛然千戶魏民望  
沈志張學詩廖台垣李喬鎮撫黑茂百戶劉純祖孔全  
斌張希俊楊有功曹羽蔣奇才張尊美徐宗堯劉起恒  
嚴登瀛報效材官陳于朝劉養鯤周元儒顧遠張明遠  
何正光李國林孫世信呂從周田宗武武聲華何繼光  
何一鯨盧世卿夏光裕都桂芳祝之奇董國師茂州土  
官坤汝常何紹舜董應魁高子實土通判李泮天全土  
舍高位春楊之鼎等分布四門各率勁兵齊出直薄賊

營更番鏖戰從晨至暮斬殺甚衆是日安綿兵備監軍  
副使馮勞謙督同忠州判官今陞河南新鄭知縣胡平  
表石泉安縣知縣商良弼沈愉守備吳國輔指揮馬繩  
祖王世寵李大用楊元王應乾共兵四千石砭宣撫女  
將軍秦良玉加銜叅將遊守等官秦明屏秦拱明秦可  
秦翼明秦允成應襲生員馬祥齡等土兵一萬四千湖  
廣監軍按察使楊述程督僉書鄧懋官率援遼回川兵  
一千七百射洪知縣王新民督總鎮標營吳民望兵二  
千會戰於新都斬級數多賊披靡遯回我兵克復縣城

先二十四日順慶府推官郭象儀督同叅將遊守等官  
譚大孝崔一玉黃正中崔光臨譚正道崔光祐譚正通  
崔一鳴譚正常譚正修生員譚登譚鐸等率兵四千自  
漢州轉由郫縣兩次大戰斬獲多功崇明負傷而遯本  
日亦移營二十里賊勢窮蹙衆心憤怒有賊信任僞先  
鋒羅乾象先於一月前奉臣曉諭投誠納款是日約同  
伴胡汝高胡汝寧并被擄生員鄒蔚然范祖文胡肇虞  
於二鼓來報欲殺賊自效至五鼓賊營果火起喊作崇  
明父子驚覺狼狽而奔臣與同官恐賊懷詐隨發官兵

四千分頭搽殺於奢寅營內得獲龍鳳腦包一箇繡龍  
鎧甲一副雕龍玉帶一條金瓜一把刀鎗弓弩三千餘  
件并獲南溪資縣印信各一顆灌縣印一角資縣陰陽  
學印一顆宜撫偽關防一顆何若海偽丞相印一顆偽  
契書鐵券三道及牛馬衣被器物米豆不計其數至本  
月三十日各該援兵併集城下分巡上南道監軍副使  
趙日亨率同東川通判馬學魁督兵亦殺至省臣先行  
資簡內隆一帶州縣義勇斷橋毀路挖塹沉舟絕賊歸  
計及移叙瀘兵備副使徐久德防賊衝突相機討逆隨



分布官兵三路追捕目今賊勢雖已窮蹙但黨羽寔繁  
渝瀘未復尚煩我皇上西顧之憂然得保此危城以固  
根本仰仗天威或可漸次掃除其失陷州縣與夫印信  
倉庫獄囚及殺擄情形查實另報文武各官功罪并斬  
獲功次軍亡各官通候事寧分別具題懇勅外天啓二  
年二月初九日具題奉聖旨據奏官兵屢戰大捷逆賊  
奔逃各官防禦剿殺懋著忠勤甚慰朕懷還著用心追  
捕務底蕩平候從優論功行賞該部知道

請發帑金疏

題爲天討方張公私俱匱懇乞聖明垂念危疆亟賜發帑以濟然眉事臣惟率土貢賦臣子職分自非萬分急迫何敢呼天妄籲乃蜀中不幸遭此異變有不得不哀鳴於皇上之前者先是天啓元年五月內奉旨調川兵

三萬援遼部文註定每兵一名給銀一十七兩通筭該銀五十一萬而監軍總鎮督餉等官與吏承廩糧戰馬船隻俱不在內是時臣待罪藩政日接部檄急如星火查庫貯僅四十八年未解加派銀四萬兩餘將京料缺

官貢扇價銀各邊軍糧盡行那借共解到重慶聽支者二十二萬兩沿江經過州縣如叙馬瀘重夔等處共兌支過大糧邊餉銀七萬兩餘俟內帑找補猶慮不足復兌解巴縣大糧銀三萬兩重慶庫貯清出屯銀三萬兩該府徑行大足鄧都等縣取解五萬兩有奇貯府聽支於時西土苟安東圍孔棘祗期速發以濟阡危且謂時傍冬初會計期近那新補舊猶可撐持乃不意異常之禍頓生肘腋之間其在重慶貯庫者支發未半盡爲盜資川之西東財賦州縣悉被殘破雖保有川北下東上

南三處而援兵經過坐派行坐二糧募夫搬運民不堪  
命逃竄亦空臣在圍城之中與賊相持一百日先後集  
衆五六萬每懼經費不支與布政使臣周著毫釐必較  
已措過銀十萬餘兩數又不足共立券書多方括借藩  
府郡王縉紳士民通共助銀六萬兩其力已竭今不惟  
各漢土兵嗷嗷需餉裹足不前卽松建各邊經歲無糧  
近日諸苗乘釁生事在保縣屢以生番圍城告在建昌  
則以蘭目蠢動告遵義兩次被占建武爲賊門戶正當  
戮力之秋孰肯枵腹從事臣閱邸報蒙皇上軫念成都

重地特遣督臣張我續總理四省之兵兩次發帑金三十六萬兩仰荷聖恩不勝感泣但查先年征播寇在巢穴全蜀無恙號令徧行尚動九省官兵費金錢二百七十萬兩今賊不軌禍在通省其難十倍於播雖戰敗奔逃而渝城未復元惡在逋萬一賄通鄰司結連黨類豕突鴟張更難收復今若乘破竹之勢爲犁庭之舉必得數十萬餉先安各邊之心然後一意剿討四路會攻懸賞以鼓將士納降以散黨羽諒此么麼不難撲滅但兵多費廣不能剋日內苦資用之不敷外懼各邊之生靈

臣愚不肖若不蚤疏控額爲罪滋大懇求皇上愍念西南重地塗炭已極且蜀安而鄰省皆保蜀存而常賦自充安危得失所繫匪細伏乞俯允再發帑金五十萬差官陸續解發川中容臣與督臣會同三省大兵剋期剪除擒獻首惡用張天討奠安地方藺賊旣平則諸邊又易撫戢西南半壁可復覩太平景象矣天啓二年二月十八日具題奉聖旨蜀餉已經發給著該部查明議處來說該戶部覆議於湖廣兌遼餉銀十萬解交川撫再兌五萬解交贄畫其帑金十五萬留貯部庫以抵湖廣

應解之餉備關門緩急之需免騷驛遠解之苦奉聖旨  
是這餉銀依議分解鄖陽銀原爲援蜀之用還著通融  
接濟仍行與各督撫官稽查實落不得冒破

就近議補監軍贊畫疏

題爲軍務方殷需材最急酌議就近推補監軍并用贊畫官員以便責成事爲照逆賊奢崇明父子非小寇也衆逾十萬圍城百日初到之時毒弩花槍人莫敢近滿城股栗號哭震天臣與布政使周藩按察使林宰副使胡承詔戴燦并府縣將領等官效死弗去自是職分乃恤部員外郎劉可訓一聞警變卽自邛州單騎入城相與共事初則往來策應繼而專駐南門協力指麾屢戰大捷雖本官不欲居功而登陴一百晝夜賊之情形將



之強弱與一切臨敵策應防禦之法不啻輕車熟路矣  
松潘監收通判段師文首先赴援親履行陣順慶府推  
官郭象儀招率土漢屢展勝猶忠州判官今陞河南新  
鄭縣知縣胡平表備歷艱辛提兵赴援射洪縣知縣王  
新民自募銳師挺身討賊此皆疾風勁草堪爲皇上效  
西南一臂之用者今總督臣張我續行將入境四省大  
兵漸次鱗集川西旣平臣當獎率六師東下叙瀘而一  
時司道寥寥乏人在省止左右布政使周著林宰與守  
西道副使戴燦三人在外止守巡上南道叅政陳龍光

副使趙日亨安綿上東道副使馮勞謙徐如珂四人適  
當殘破之餘咸處紛糾之任士民瞻依勢難離局而軍  
機重務又非臣一手一足所能料理臣謹會同巡按四  
川監察御史薛敷政查得先年征播多係就近擇人官  
宜於事應以劉可訓陞四川按察司僉事管監軍道事  
段師文郭象儀胡平表王新民各加應得職銜與臣同  
詣軍前監督理餉贊畫軍機俟功成之日另叙優擢庶  
官有專責事易責成其於危疆深有裨益今賊氛尚熾  
追剿宜急除令各官一面先行料理外伏望皇上俯念

西南重地軍旅繁殷需人甚急勅下吏部覆議上請行  
臣轉行各官遵照俾當倥偬之秋各效馳驅之任臣愚  
幸甚天啓二年二月十八日具題奉聖旨吏部作速覆  
行該本部覆議刑部員外劉可訓陞四川僉事監軍通  
判段師文陞成都府同知順慶府推官郭象儀陞本府  
同知新鄭縣知縣胡平表陞保寧府推官射洪縣知縣  
王新民陞潼川州知州俱奉聖旨是又該禮部覆奉聖  
旨與做四川監軍道關防

報逆賊情形機宜疏

題爲恭報逆賊前後情形併陳進剿機宜仰祈廟筭以保危疆事臣於本年二月二十日接兵部公文內開成都被圍水泄不通撫按官無一字見報併詢知我皇上帝夕焦勞臣不勝戰慄緣臣奉旨在去年十月二十二日至今年二月初六日始奉到勅印初八日望闕焚香叩頭謝恩畢到任管事卽將成都解圍拜疏上聞今賊潰奔入穴百務稍有次第是臣再覩天日勉效犬馬之時也所有逆賊一切情形并地方各官死守力戰之狀

與近日機宜所當亟請者敢縷陳之切照永寧土地不  
過當一大縣兵不滿三萬人逆酋奢崇明以旁支拔起  
蒙恩獨厚故部檄徵調異其報效前撫臣徐可求誼激  
遼事輿疾赴渝屢次催發百計支吾初則止報三千繼  
而願增一萬及詎得安家銀四萬兩卽分頭行賄鄰司  
招亾納叛及點發之日樊龍兵數突增數千可求見其  
狂諄溫言慰勞許以權宜處給而龍方用手一揮萬衆  
叢集槍刀並加登時慘隕道臣孫好古駱日升李繼周  
知府章文炳同知洪應科熊嗣先推官王三宅知縣段

高選叅將萬全指揮王登爵同時遇害巡捕佐領官員  
併士民被殺尚難查紀是日援遼總兵黃守魁阿奉樊  
龍借兵五百併盔甲器械代與點名詎料城內舉事城  
外亦起避被毒打自縊妻妾輜重悉爲賊有部下永寧  
哨千總鄒世賢仍歸於賊獨吳民望張虎等倉卒空拳  
奪船奔脫至雲陽縣尚有七百餘人知縣朱毅臣捐金  
養之仍得赴省九月二十一日臣據承差方正清走報  
前情當查闔司軍器不滿數十件鎮遠營兵不滿五百  
名一面調兵修備一面行文撫諭及撫之不得乃謀救

重慶不意奢寅自統勁兵四路並進至十月初一日聲息漸近通採輿論咸謂內江有河可斷龍泉有險可塞而一時無將無兵行據成都府署印重慶府同知余新民薦報效官雷安庶冉世烘周邦大袁中繡等四人可用又茂州衛指揮瞿英領兵二百到省臣發周邦大領募兵一千協守內江發瞿英同雷安庶等三員其領調募兵二千在龍泉山據隘劄營又令指揮張愷率兵三百至城外二十里沙河鋪防禦以通塘報十五日松潘衛指揮余弘緒等龍安土通判李泮各領兵五百茂州

上官坤汝常等共領兵四百鎮西指揮百戶楊有功曹羽共領兵四百俱到省臣又令加銜都司周斯盛指揮秦明遠常恭加銜都司劉訓共募兵二千各分四門結營以待賊不意賊初九日至內江縣知縣何起蛟先已敗奔初十日周邦大與賊遇於資縣唐明渡戰賊投降十六日賊到龍泉山至十七日鏖戰自辰至酉瞿英同雷安庶袁中繡衆寡不敵俱歿於陣獨冉世烘墜崖得脫張愷聞風卽棄兵遠遯臣見賊鋒甚銳隨於夜二鼓赴四門各斂兵入城堅壁固守先是賊將發難遍布細



作三次差人催促留守建南頭目黃光輝通苗共叛臣  
行巡上川南道副使趙日亨遣指揮魏民望將光輝用  
計斬之摻獲相通真筆在省劉訓與何若海尅期謀爲  
內應妖教甘聰鄧胡萬明等密與妖首劉文選相通在  
城內私自招兵千餘永寧僧覺照應天等五名假扮石  
砧差人希圖行刺本城方大德羅尚錦余應龍等四十  
七人預先投降給有免帖按臣薛敷政差調兵標兵楊  
進可等二名臣差金卜勝等十一人皆與賊通仍攜回  
文上城或欲燒祿米預備豐寧等倉或欲燒三司府縣

各衙門乘間引賊率皆敗露簡州生員王廷弼僞扮乞丐在城下投生士通判李泮弔解臣處臣就其衣縫擦出倡亂揭帖數十紙俱陸續梟示正法臣與司道皆目不交睫日夜嚴防而鄉紳周宇等舉人齊芸芳等生員胡祖烈張瑜等皆能協力齊心在城諸姦擦登略盡始得專意與相對壘賊寅初來不過四五萬崇明與黨馮宜先後繼至則已十有餘萬大約瀘合江安仁懷桐梓永川榮隆富內資簡等州縣殘民與無籍之徒悉被驅使且啖以財色繩以嚴刑不得不爲效命每日專用竹

笆皮洞以當矢石齊放毒弩以射梁軍忽燒城門忽挖城脚鉤梯多於比櫛殺人不啻草菅繼而雲樓陽橋土山旱船罾竿火槍等攻具互換疊施城中多有望見驚死如生員楊試街民陳應郭明順等者按臣薛敷政晝夜四巡勞瘁獨甚臣與布政使周著按察使林宰副使戴燦胡承詔恤部員外劉可訓併府縣將領等授兵登陣與賊相持半月後都無人色度賊已驕至十一月初二日臣選勁卒突開北門斬其渠魁王道達奢崇義二人先鋒廖鎮權亦中彈死賊膽稍寒嗣後西南東三門

相繼疊出屢獲奇捷至十一月二十一日巡上南道趙日亨遣指揮魏民望劉繼勳等率董卜高楊兵二千併睢州嘉雅兵一千松潘監收通判段師文領兵一千三百入省城內軍聲益震四門通共百有餘戰擒斬并銃矢砲石打死共五千三十五人溺水者不計其數願賞者當卽給明臣料賊黨必有仗義者屢次出示遣人行間賊目羅乾象胡汝高胡汝寧被擄生員鄒蔚然范祖文胡肇虞奉諭來降臣令立功自效自後日具賊情密報至正月二十八日四門大戰從朝至暮殺傷甚衆披

靡不支而援兵兩捷於郟縣再勝於新都賊知勢潰夜見營外火起喊發狼狽而遯至天明各門猶有來攻城者亦有打槍未返者一時聞信四散狂奔軍資器械強半委棄男婦招降不復計數是日臣與司道雖分四門俱應接不暇凡官兵拏獲併鄉村綁來俱驗其額無網痕并查身有刀箭銃石之傷卽梟示阿虎等三百八十八名其餘無據姑寬一面縱之逃生三十日援兵俱到臣一面行布政司犒賞各官兵一面分布官兵三路追剿併飛檄各州縣速率鄉勇併力截殺去後續據成都府

報解鄉勇李文斗等拏獲賊黨奢可義等十一名斬功  
一百六十九顆簡州前後擒解奢五乃等九十餘名打  
死二百一十餘人奪獲馬匹器械一百二十件偽劄偽  
示勅令文帖六十件資陽縣報解鄉勇任大孝等擒斬  
樊龍姪樊啓等五十名打死三百餘人又鄉勇張承楊  
等斬賊一千二百二十一顆擒解何國禎等七十七名  
奪獲被擄婦女五十四口馬十一匹槍刀六十七件金  
堂新繁溫江等縣西江河等處鄉勇羅忠等擒解奢良  
等并打死五百餘人江安縣陸續斬獲新繁縣偽知縣

李之偉南溪縣僞知縣何枝江安等處僞都司李梧李梅等又擒瀘州改爲瀘陽府僞知府李自新係原任永寧宣撫司經歷每處劄給僞官不下百人招降頭目阿興等五百餘人斬級二十二顆又報率兵於倒馬坎斬獲僞總兵陳祈摻獲僞錫印木印各一顆馬絮刀槍大弩僞劄告示俱解道驗合州安岳樂至安居銅梁南川定遠岳池蓬溪射洪中江等州縣各陸續申報擒斬逃賊甚多尚未解到又據叙瀘道報稱奢崇明睡一小床偷渡瀘州河由茜草壩小路逃回巢穴訖又據巡下南

道叅政王世仁揭帖內開崇明於初五日歸巢奢寅雖未見的確然各處已無蹤跡人云潛入理亦有之等因比查各處陷沒州縣率俱恢復祇重慶尚占臣差人督促巡上東道副使徐如珂率同知越其杰併平茶邑梅石砦陳同知等兵分道攻打又獲石柱秦良玉兵一萬三千直走重慶協力恢復去後至本月二十六日忽據叅政王世仁副使徐久德報稱雲南沐兵在畢節激動水西攻陷畢節又發兵圍黔來助藺酋兩日連接數報與符國禎等合取建武等因到臣看得逆酋父子以小



醜而遘大變亘古未有臣守土無狀偶爾遭遇乃相持  
百日不能力啖其肉致令遯歸巢穴臣寔媿之今賊衆  
十餘萬殺傷逃散者已去十之七八被陷州縣衛所四  
十處率已恢復若乘其喪敗用張撻伐必先復重慶以  
孤犄角之勢給邊糧以防肘腋之變若水西鎮雄烏蒙  
等司頗有狐兔之憐喜作犬羊之鬪據所傳報殊爲可  
駭亟宜宣諭俾令效順一面分布重兵於瀘州合江建  
武仁懷四路並進賊諒不能插翅而逝矣至於招散脅  
從尤爲急務查賊黨羽多被勢迫永人卽吾人也順而

貸之何必苛求伏望明旨頒諭但其部下能擒逆賊崇  
明父子者卽准世襲宜撫仍加厚爵兩得者兩分其地  
則內外四里百姓皆感聖恩之浩蕩而且恨賊之貽累  
必爭先效力以保身家而取富貴何患苗氛之不靖也  
至於樊龍圍困日久似亦不難破滅但各兵方聚帑金  
未到萬口嗷嗷無計可措今郊原千里皆成瓦礫仳倚  
載道號哭震天若卽欲議征議派是驅之從賊也臣慮  
內慮外苦乏良圖非仗廟謨曷由克濟除諭鎮雄烏蒙  
烏撒東川等府各保爵土毋聽姦惑及將解到各賊審

明正法馬匹器械給賞官兵死事并陣歿諸臣失事州  
縣與退怯官員及先後一切功次俱行司道覆查確議  
到日另行具奏伏乞勅下該部覆議上請亟催前發帑  
銀星馳解蜀以濟然眉并行點撫嚴諭安氏勿聽逆酋  
搖惑附和擅兵仍勒限沐兵作速前來剿賊不許借口  
退避致悞軍機庶逆賊合從可消而官兵進取有賴矣  
天啓二年二月二十六日具題奉聖旨逆酋敗逃州縣  
盡復朱爨元并文武將吏及鄉紳土司人等忠勞懋著  
俱照前旨候事平優叙還先宣諭朕意以示獎勵仍著

同心奮力相機剿撫務除兇逆以安地方餘已有旨了  
該部知道該兵部覆奉聖旨逆賊敗逃爾部便馬上行  
與督撫官用心剿除仍宣諭各土司毋被誑惑自負國  
恩如部下有能擒賊父子的卽准加爵世襲黔蜀一體  
利害相關總督併各巡撫官還悉心協力相機剿撫仍  
諭奢社輝約束目把毋得助逆雲南鎮守官也著作速  
救援前分給帑金十萬兩著該部上緊解到川省巡撫  
處應用

再接專勅討賊疏

題爲欽奉勅諭事天啓二年三月初三日該兵部差官趙得先齎捧勅諭一道到臣卽於是日恭設龍亭焚香望闕叩頭開讀欽奉皇帝勅諭巡撫四川等處地方提督軍務都察院右僉都御史朱燮元土酋奢崇明父子狂悖蓄謀叛目樊籠等乘機倡亂戕殺文武多官攻掠州縣直逼會城勢甚猖獗目前拯急事宜如督派見在兵丁固守城池檄催各路道將集兵進援嚴行所在有司飭備城守及征剿乘機亂民收復攻剋州縣一切捍

禦剿除聽爾便宜行事石硅土司秦良玉徵調屢煩忠  
勇素篤一聞逆釁倡義先驅宜重加獎賞有功優叙所  
需兵餉亟與協濟毋致匱乏其該省併湖廣雲貴撫慰  
招討長官各司世受國恩人懷忠義會同各該巡撫官  
獎率赴調協助王師分布犄角或控扼要害或直搗巢  
穴查照功次破格陞賞其餘脅從觀望開示逆順諭以  
禍福令各從征自效在籍文武鄉官有能收召土漢義  
兵討叛復城者假以事權一面奏請錄用該省武備久  
弛人心易搖變起倉皇剿定宜速新設總督重臣及贊

盡總兵各官星馳任事爾受廵撫重寄一方專責兵餉事宜具載勅書務須殫心調度宣布德威殲逆靖民平定封域用副委任至意欽哉故諭欽此臣惟奢酋無端造亂猖獗異常致糜我皇上睠言西顧假臣以便宜之權諭臣以剿處之策臣雖至愚極區敢不勉矢奮鈍以圖報稱於萬一自酋發難渝城攻圍成都臣督司道等官堅守血戰用間潰遯與恢復被陷州縣前後一切情形及目前進剿機宜兵餉匱乏之狀業已備載前疏兩次上聞無容再瀆惟是殘破之後千里無烟五六萬衆

嗷嗷待哺萬祈皇上允臣前疏速賜帑金以濟困乏俾  
臣得內撫殘黎外剪強寇庶進退不致掣肘而妖氛自  
可掃滌臣愚幸甚除欽遵勅諭事理移檄總兵楊愈懋  
并行各文武將吏一體遵照仍會湖廣雲貴撫臣開諭  
鄰藩土司協心僇力共圖戡定外天啓二年三月初四  
日具題奉聖旨知道了該部知道



優卹慘傷重臣疏

題爲重臣任事忠勤遭禍慘烈仰祈聖明厚加優卹以  
慰貞魂事臣惟人臣肅將王命效力疆圉生死利害謹  
無可避事固有出於意外變每不可以先圖故岑彭建  
勲忽中公孫之刻費禕出鎮不虞耶循之姦獨變非茹  
往往而是若夫謹激視師忠披報國白刃交加甘以身  
殉若前撫臣徐可求洎道府縣諸臣孫好古等甚可痛  
也該天啓元年五月內皇上以東事孔棘差科道臣明  
時舉李達調川土兵三萬定安家行糧每名十七兩共

該銀五十餘萬限以六月出境可求方來莅任行至順慶府一捧嚴檄卽兼程赴省每語臣曰東園所畏無若川兵川兵最强無若蘭苗奢崇明受國厚恩豈其忘報若令自將而往精銳悉隨足當一百五十餘萬金錢庶不以餒棗傭而皇上東顧之憂必少紓萬一矣用是輿疾而赴渝臨發之日震雷盪舟妖鳥示怪俱恬不介意惟日夜孜孜與蘭兵之速發初遣指揮吳柏再遣同知辜志會又續遣叅將萬全三次諭之未嘗不委曲也給扁給劄併花紅犒賚未嘗不厚也安家行糧未嘗缺額

也馬料船隻未嘗不預備也詎意逆賊蓄有異志閃爍百端先遣樊龍張彤乃其授意之心腹再發王道達周鼎用爲監督之爪牙及教場點驗之日賊之姦謀夙定我之意料不及片語未終萬刀叢集可求見事勢決裂惟厲聲大罵挺身受刃以一死報皇上耳同時遇害如分守川東道按察使孫好古分守下川南道副使駱日升馳驅軍旅各殫綜理之勞兵巡下川東道副使李繼周新莅地方與效勛勤之策重慶府知府章文炳推官王三宅巴縣知縣段高選各措餉刷船拮据悉無餘力

叙州府同知熊嗣先順慶府同知洪應科委監軍督餉  
調度綽有奇謀遵義叅將萬全旗鼓指揮王登爵盡瘁  
奔馳恪恭戎事乃俱並遭劫數同受兇鋒脫落冠裳互  
相枕藉常山之骨不完萇弘之血盡碧嗟乎冤哉土酋  
未有之變突起於逆賊而從古非常之禍忽遘於諸臣  
遠近聞之皆號哭罷市而況臣誼切同舟驚聞奇禍天  
不可問愛莫能助是所扼腕椎心泣盡而繼之以血者  
也臣今獎率大兵追剿逆賊仰仗天威誓雪大恨而諸  
臣之沉寃未白卹典尚稽心竇痛之謹查大明會典款

開在外文武官員不拘品級其以死勤事者卹典取自  
上裁又一款開查有軍旅身殲助勞懋著者卹典自宜  
加厚又查先年各省兵變亦有戕傷撫臣併司道府等  
官者但或以糧餉短額或以措處乖方禍所由起皆屬  
有因而今者奢賊敢於造叛突然恣殺以張威尋遂分  
兵以犯順是黃巢董卓復生於世而諸臣不幸首當其  
禍一腔忠義天日爲昭較諸造孽而遇變者相去何啻  
霄壤且自遭難至今已踰半載或屍骸暴露未卜還葬  
之期或眷屬戕傷全無收殮之主夜臺有知亦爲哀籲

伏乞勅下該部再加查議覆請從優賜卹施行庶大義  
昭明而羣情爭勵矣天啓二年三月初四日具題奉聖  
旨該部知道該吏部覆奉聖旨徐可求准贈右都御史  
蔭一子本衛正千戶世襲又該禮部覆奉聖旨徐可求  
任事殞身准與祭一壇給三品全葬

請禁白蓮妖教疏

題爲白蓮妖賊助賊蜂起恭報擒斬功次併乞賜通行  
禁戢以弭禍亂事竊惟白蓮無爲等教謬飾邪術煽惑  
庸愚累奉明禁緝拏萬分嚴切詎意蜀地姦民喜於爲  
亂倡是術者寔繁有徒先是天啓元年三月內據綿州  
申稱突有白蓮邪術結黨四五百人張掛榜文聲言攻  
城隨據各門兵快并團操馬指揮拏獲妖人洪彩姜應  
策等四十五名到州審得洪彩係潼川州人供稱羅江  
縣生員劉應選自稱彌勒佛出世先平潼川次平綿州

安縣等語當將各犯分別監倉并拏劉應選未獲隨拾  
得黃布鱗龍罩甲十二件神像大旗二十九面妖書一  
本白絲榜文銅印木符刀槍等項業經按臣薛敷政疏  
聞通行各屬擒拏首惡解散脅從聞續據達州申稱州  
民唐學等遇遊師李成等到於各家倡說彌勒古佛生  
於成都名曰法王老祖觀音下世投胎名曰太孃有廣  
安州人鄧翼聰自稱南斗巽宮下世其妻甘氏稱爲三  
孃與我密言分投招立燈黨六萬七千座每燈爲一枝  
頭約招數十人俱皆法王弟子凡投會中者俱於鄧處



上納錢糧待功成之日照銀加職唐學等十人各立燈  
堂一座誘集男婦數十燒香拜燈夜聚曉散口誦妖偈  
妖言難以盡述隨拏唐學到州一一供認前情納職謀  
叛是真當於各家搽出妖書無數并獲白袍黃旗戰裙  
法衣木雕兵手一隻上刻千兵萬將急赴本壇客民李  
雲騰告投妖書一本內載潼川綿州溫江大邑名山崇  
慶眉州新津資陽灌縣成都涪州保寧南部順慶等處  
各有燈頭方大王國用等姓名又據嘉定州申稱州民  
杜奇諫劉智等與犍爲縣民張大清何明忠等及各處

卷之二十一

三十一

人民俱禮佛拜燈約集三四千人造爲佛歌云官兒最  
爲高鐵樹開花怎生桃水火三災都來到黃傘青傘一  
齊料那時纔顯我老佛教煽惑愚民傳授妖書三卷晝  
夜走省不停又據邛州申報州民尹思忠等與大邑縣  
民鄭廷美等俱稱彌勒佛在省共爲燈黨惑衆又據龍  
安府呈報拏獲平武縣民吳加成等各投劉應選習學  
妖術摻獲旗幟刀槍等情俱經批行分別究處外獨劉  
應選杳無蹤跡不意應選徑逃入永寧改名李應樞與  
奢寅父子合謀其叛仍遣腹心四出潛布以爲內應如

甘聰鄧卽甘巽聰改名甘進忠與胡萬明等各乘逆賊  
內犯先在省城內私自招兵一千餘人密訂時日欲裏  
應外合臣廉得其狀當拏二犯揀出異書兵冊并房屋  
內暗伏黨羽供明正法又據洪雅縣申報天啓元年十  
二月初一日妖犯梁選宋宗吉侯元王可弟周學遠徐  
自大梁嘉慶宋宗富王可邦周宦周伸續高等糾賊欲  
攻本縣當日督兵拏獲到官審據各犯供稱與榮經縣  
拏獲徐弟專習白蓮邪教禮佛拜燈聚眾練習鬼兵助  
逆謀反徐弟學於仁壽縣宋宗吉學於遂寧縣其燈用

錫造似白鶴形燈光從口出又用錫盆盛水於燈下聚  
百十人爲一堂循序進拜各於水盆中一照或見冕旒  
袞袍或見紗帽絲服便知將來分位於是感動衆人各  
立燈堂集衆每人每季出銀三錢三分令燈頭收送入  
省有大佛祖收貯且云末劫之年彌勒掌世改號天明  
改年中元各犯仍出入土司誘惑奢酋自謂人心歸附  
遂起逆謀同酋攻圍成都仍剋期攻縣本縣督兵晝夜  
防守拏獲妖賊趙魁李先鮮可仰搽得反書一部內載  
幻妄不經逆謀反亂之語難以枚述又於妖犯劉可家

拏獲仁壽縣人梅子然亦於身上搽書一紙與前相同及審各犯某係總兵指揮某係州縣正佐燈頭侯元夫婦拜燈多年於本犯家搽獲老祖太孃冲天冠鬼臉鳳冠鬼臉各一箇皆已練成烝候夜戴此冠於無人處縛鬼剪成紙人紙馬呼之卽行又拏獲李得第等三人俱拜燈號草上飛夥造兵器當時打死周伸供稱已僞授崇慶州吏目其父周加友爲雅州拏獲土川南四州并井研仁壽等縣燈黨皆伊包管有被誘小僧廣法對質可據梁選供稱同吳紹湯王可弟宋宗吉等送銀上省

隨酋攻圍省城吳紹湯被官兵殺死梁選被傷一槍幸而逃歸今將各犯遵照憲行當卽正法梟示又據南川縣申稱有梓潼縣齋頭白僊臺來縣合謀秦運等於秦加謨家修立順天閣一所用純黃赤壁綵畫龍鳳飛紋拜燈集衆持練陰兵及見袞酋倡亂就糾遵義舊民殺劫地方白僊臺遂豎旗立榜四野招降稱爲順天王唐朝誦爲朱大王李聯芳爲明疆王鄭應剛爲虎利王鮮啓爲定疆王分爲東南西北四路秦運吳朝喜爲左右護駕王各置臺立寨拜將舉事隨發兵燒劫李高才秦

加敬等百餘家擄掠男婦千餘口當差里老諭撫各賊  
殺死執牌快手駱維先等六人直來攻縣并舉陰兵燒  
劫官營隨令典史朱國佐統千總劉仕鰲等官兵四圍  
衝殺生擒白僊臺李聯芳等三十餘人斬獲賊兵二百  
餘級殺死官兵楊旺等七十餘人得獲妖書一本五色  
紙人馬一箱練豆兵一箱草劒槍一箱木凳馬一百匹  
又據榮縣申稱募集僧兵鄉勇協力捕獲妖賊燈頭劉  
孟奇周兆雲等三十餘人并擒斬逆賊二十九名顆奪  
回男婦百十餘口殺死逆賊五十餘人各賊遯去定遠

縣申稱白蓮煽亂拏獲拜燈妖賊周之成等三人搜獲妖書讖文十五部又據遂寧安岳大足仁壽等縣各報白蓮妖賊梅大梅五等糾衆劫掠地方被安岳官兵生擒許茂德斬首二十五級首惡梅大等暗自逃散不知去向各等因到臣看得逆賊奢崇明父子久蓄異志招集亡賴其披猖之勢已令人震駭而不意妖人怪術一時蟻附如劉應選者本一青衿而先發大難之端復佐燎原之焰悖逆不道世所罕見本年正月初七日賊在酉城造成旱船懸旗致祭有一人披髮仗劍身披五綵



龍紋在於高頂指揮被官兵用厭物塗銃登時打死詢  
謀者以爲李天師卽應選也然無的證不敢遽以爲真  
要惟此輩先賊而造叛佐賊而益張剪紙書符魑魅公  
行於白晝殺人放火慘毒不減於黃巾禍延通省惡已  
滔天幸藉皇上威靈強半芟刈各官能多方擒捕亦不  
爲無勞也除將白儒臺等批行正法梟示梅大等嚴行  
捕滅有功及死事官兵查叙給賞外第恐左道流行實  
繁且秘如昔年妖賊蔡伯貫等舉事一隅各省響應可  
爲鑒已況今邊圉未寧姦宄易作則桑土之謀當爲蚤

計理合具題伏乞勅下該部通行各省直地方查將前  
項妖術嚴緝殄除庶隱禍潛消地方幸甚天啓二年三  
月初四日具題奉聖旨兵部知道該本部覆行彼處撫  
按將洪彩等依律擬罪劉應選督捕嚴緝務在必獲仍  
通行一體禁緝奉聖旨是

糾叅擅回府正疏

題爲全蜀缺官太甚郡守決去非宜據實糾叅以明法  
守事臣爲臣子服官誼當盡瘁故利器別於錯節勁草  
彰於疾風若當倥偬多事之秋悉爲身家自便之計託  
言高尚實不忠之大者况郡守統率各屬師帥一方宏  
鉅在肩詎宜輕擲今全蜀九府如新任成都府知府劉  
弘宇駐夔門而中返調任重慶府知府岳具仰滯里中  
而未來其餘竝缺獨一順慶府知府楊所蘊任事本官  
初到卽聞賊變雖兵火未薄於郊原而滿城驚竄諸務

廢弛重以援兵經臨供應繁苦本官拮据料理備極勞瘁臣心重之不意省圍既解之後連具二詳亟求休致臣嚴批慰留去後忽於三月初五日具文呈稱病篤實難供職將原管印信錢糧封貯在庫已於二月二十八日出城回籍去矣據其稟揭稱不去於圍城之日而去於賊退之後若有萬不得已者但詢之該府僚屬俱云原無深病不過以兵革驚心錢穀掣肘蚤圖惡流之退徐爲善地之圖耳臣若因循姑息勉與題請將人人效尤悉以本官爲口實矣况蜀中近日何等時也逆賊所

殘旣千里盡赤而援兵經過亦萬竈無煙深溝窮谷止聽啼號之聲通邑大都絕少往來之跡所賴撫楯而安輯爲元元甦旦夕之命者非良二千石更復誰望而本官敢於擅去卽不顧蒼生其奈皇上任使何叅照得順慶府知府楊所蘊居官雖無劣狀任意大拂衆心因難乞身殊乖委質之義托病徑去豈無規避之私相應照例叅處以飭官常伏乞勅下吏部從公查議如果臣言不謬合將本官從重議處或重加降調以爲將來之戒其於吏治不無少裨萬一矣天啓二年三月初四日具

題奉聖旨吏部知道該本部覆將楊所蘊革職爲民奉  
聖旨是

糾叅不職閫司疏

題爲議處不職閫司以彰國法事臣惟都司統馭衛所  
管理城堞居常無事猶宜得人况於戎馬紛馳戰守張  
皇之日而有兇暴貪淫如掌印都司陳繼光其人者公  
論不容于章難有臣不撮毛舉摘其淫暴無狀昭著耳  
目者數事敬爲皇上陳之竊照都司設有軍器火藥局  
內則支應城守外則分發各邊從來常例也去歲聞變  
藩司卽移銀製造屢送而屢却及詢其故則曰我不耐  
人討也臣見其狂諄只得將西北二門火藥另發照磨

劉九功開局自造幸而接濟若如本官所爲則一百晝  
夜死守血戰將以何物應急乎東城一路分定本官防  
守賊集城下不啻蝟毛臣與司道等官衣未嘗解帶而  
本官獨夜則歸署安寢日則登樓痛飲酒後發惡人不  
敢近隊長杜貴因天陰焙藥延燒茅蓬一片亦是細故  
乃并各兵俱痛責四十致令盡離信地赴臣處哭訴諸  
如此者不止一次藉非副使胡承詔多方撫諭儻賊乘  
虛而上僨事豈細乎被圍日久爨薪極貴本官見可取  
利卽命陳吏目將經歷司并兩廊房盡行拆毀鋸薪出



賈致令東城各兵效尤拆屋伐樹者比比而是臣入見其署蕭然一空貪利無忌乃至是乎正月二十九日五鼓時分奢寅與父崇明狼狽遯去崇明營於教場演武廳上四圍環設七大寨并米糧器械一物不携臣傳令遊擊魯美中不許縱火一則援兵若來可爲安頓之處一則房營不燬可省數千之費且其糧械亦足資也乃本官從醉夢中上城頓足大嚷揮拳亂毆同知侯世延并魯美中力勸之皆不可得立差龔承忠湯宗舜等八人縋城舉火頃刻而盡通城訝其懷異豈無因乎最可

怪者原任都司張神武爲事羈盤其妻生三女一子長女先嫁同鄉宋大僑居於司後本官到任不數日卽後穿一門朝夕私通又發應付遣其子入永寧願獻幼女至十月初二日街鄰來首云神武家內近日多市綺繒晝夜縫女衣不斷其僕張元形跡甚怪等因臣行推官羅寬摻其身有血衣一件捨碎紅紗圓領數件使用有銀帶包皮的係真正姦細前在渝州行兇者按法斬之本官且發銀二兩令門子艾紹殞殮及賊臨城竟將神武妻女悉搬入衙內又恐宋大有言甘令已妾陪奉此

不惟滿城騰有歌謠卽輿阜廝養無不極口唾罵者也  
臣謹會同巡按四川監察御史薛敷政叅看得四川都  
司掌印僉書陳繼光賊性兇殘臨事乖舛遇敵全然喪  
膽逢人輒欲揮拳拆公署以爲薪利雖多而法典難追  
占舊僚之妻女色可戀而公憤難容其他怪事尚難枚  
舉總之無官箴無人理不可一日容於地方者也伏乞  
勅下兵部再加嚴訪如果臣等所言不謬覆議上請將  
陳繼光革任回籍遺下員缺速行推補嚴限前來到任  
管事庶官邪知儆而軍興有賴矣天啓二年三月初四

日具題奉聖旨兵部知道該本部覆奉聖旨是

失陷州縣功罪疏

題爲郡邑收復功罪宜明謹列死難諸臣併各堅守失事之槩以辯忠邪以昭勸懲事自逆酋奢崇明父子倡亂發難淪城戕殺文武多官攻陷各處州縣衛所四十七處已該臣於解圍并再報前後情形疏中悉陳其狀奈兵燹之後文移遲滯若待司道逐一查確然後具題竊恐時日稽遲功過溷冒無以勵衆志而勸將來臣謹先述其陷城之槩及分別功罪爲皇上陳之逆賊奢崇明父子遣樊龍等於重慶倡亂後卽發兵四路進逼省會

如瀘州江安納谿合江南溪興文長寧遵義桐梓仁懷  
綏陽綦江等府州縣并威遠瀘州二衛或爲逆賊門戶  
或與蘭土相鄰悉被攻陷及酋長驅入省又陷永川榮  
昌隆昌內江富順資縣資陽簡州一路至圍省後又攻  
陷江津大足安居璧山安岳樂至占據建武及將附省  
之新都漢州金堂郫縣崇寧新繁温江雙流威遠榮縣  
一槩攻陷燒殺劫擄慘不忍聞蓋緣川中無備酋所稔  
知姦徒細作到處密布加以士民盡徙城郭一空凡各  
有司只合一死以塞責而人情恇怯往往奔避狂瀾勁

枉寔不多得如興文縣知縣署長寧縣事張振德倉卒  
遇賊義不受辱遂挈妻盛服舉火共焚主簿徐大禮一  
家服毒四口同盡南溪縣知縣王碩輔率衆固守賊甚  
忌之益添兵急攻力不能支城陷自盡印爲所奪後在  
賊營搽獲桐梓縣知縣洪維翰被賊入城奪印仗節不  
屈當時逼死灌縣知縣左重監督威茂援兵至地名丁  
家巷被賊衝散戰歿於陣以上諸臣或節凜封疆從容  
以就難或誼激纓髮血戰以捐軀當歲寒板蕩之時顯  
殺身成仁之義所當查例亟爲褒卹者在省司道府縣

等官與賊相持一百晝夜死守血戰致賊宵遁根本既  
完大勢遂定前疏已陳其槩在外者如合州知州翁登  
彥真安州知州楊汝昇銅梁縣知縣吳宏業南川縣知  
縣韓應龍皆能嬰城固守屢挫賊而翁登彥且恢復  
安居楊汝昇且恢復桐梓吳宏業且恢復大足韓應龍  
且恢復綦江加銜遊擊龔萬祿自招義兵恢復建武并  
興長二縣藩籬堅固叙府遂保彭縣知縣冉崧中江知  
縣鍾文炳遂寧知縣曹元龍什邡知縣謝奇舉賊衆雖  
未大至而屢獲遊騎防範周密以上諸臣皆當候事定



一併分別優叙者至於失陷州縣雖同一失也而其中  
殆有數等有身與妻子竝縛白刃交加寧死不屈賊棄  
之而去二日後始有邑人解其縛者資縣知縣張盛治  
是也有憑城固守屢抗強敵至力屈而僅以身免近已  
恢復者江津知縣唐禮嘉是也有勢不能敵而雖潰走  
旋自恢復且建有功蹟者則安岳知縣翟學程綏陽知  
縣任寵江安知縣陳達道富順縣署印教諭盧安世榮  
縣知縣蔣守洵威遠知縣董養中雙流知縣劉鼎新是  
也有能擒細賊不能當大賊帶印逃出後借力以恢復

者溫江知縣蕭魚榮昌知縣張縉大足知縣高繼元內  
江知縣何起蛟漢州知州萬砥安居知縣周文敏壁山  
知縣尚登雲樂至知縣劉克紹綦江知縣鄒昌魯新繁  
知縣王國治郫縣知縣林必成是也有聞憂已久登舟  
候代印未交而城已陷者則新都知縣王之杰是也有  
委署資陽縣印以公務入省未及至縣而城陷者副理  
問王國傑是也有一籌未展望風而先奔者則遵義通  
判袁任瀘州知州馮曾楷納谿知縣李景融合江知縣  
周夢可仁懷縣原缺正官隆昌知縣黃榜金堂知縣王

納科簡州知州曹懋時是也至於不守不逃噴有煩言  
則永川知縣蔣承臯是也甘心從賊見有確據則資縣  
訓導劉養銳黎應遠典史張從善是也以上失事各官  
自張盛治而下俱屬違法但有情當憫卹者有收效桑  
榆功浮於罪者有功雖不多而情尚可恕者有公事家  
難勢無可奈何者惟通判袁任等十一員憑城不能拒  
敵臨難輒自偷生甚且蒙面昧心大駭觀聽皇上設三  
尺法正以擊斷官邪臣祗奉明章曷敢曲庇但據失守  
各官亦自有說古稱與民守之效死勿去必有人而後

可守也今逆賊擁衆勢同席卷而城中空無一人誰與共禦且地有衝僻賊有先後僻者後者聞警設防猶可勉力撐持衝者先者駭機卒發殊不易爲料理如瀘合仁懷納谿隆昌皆賊豕突之衝而傍省諸縣又賊叢擾之地知州馮曾楷等孑然一身內則肘腋生變外則豺虎奄至無不妻子爲戮鵠形鶉衣重繭而走僅保印信今俱願誓死殺賊以圖自贖情甚悲切總之變旣出於非常綱宜開夫一而自古有捐軀以明節者亦有隱忍以立功者臣在圍中日使人縋城責以大義冀其後效

又連發水牌數百面俾各掘塹沉舟斷橋把隘以防賊  
走近據資簡等處州縣所報斬殺招降不下四五萬而  
各鄉齊力殺賊致孔道填塞而不可行尚不在內是亦  
使過之微效也今千里丘墟萬戶流散姦徒不忌於嘯  
聚援兵復恣其咆哮若州縣再無正官更難收拾臣姑  
責令戴罪撫戢以安人心又不敢代爲隱蔽以撓國典  
謹臚列其狀如此至若夔州府知府朱名世鄰水縣知  
縣張光初一聞警變託覲徑去龍安府推官李元標聞  
警稱病不奉批允而去崇寧知縣任復元被論未得交

代懸印梁上與典史雷霧同日逃去是其畏賊之膽更怯而擅離之罪實同至於叙州府通判陶明通見經督臣行按察司安綿道兩處以失事拏問但據該道文移內開取回守府在督臣諒有的據且本官居官不檢久欲議處除鄰水知縣張光初臣先已提回究問併永川知縣蔣承臯資縣訓導劉養銳黎應遠典史張從善俱行按察司提問外理合一併具題伏乞勅下部院再加查議覆請將張振德等照例褒卹戰守有功官員通候事完一併分別優叙其餘除袁任已經奉旨逮問外陶

明通與張光初等并失事各官俱行巡按御史逐一查勘甄別功罪輕重議擬具奏庶法紀肅而激勸明矣天啓二年三月十六日具題奉聖旨該部院知道

附兵部覆疏

該兵部於前後疏內覆議除川東道按察使孫好古重慶知府章文炳與文知縣張振德已經題卹太常寺少卿倪斯蕙已催赴任四川總兵官已經會推餉銀聽戶部解發遵義通判袁任已奉旨逮問俱不議外爲照重慶之難一時文武重臣及道府而下履虎

尾之險矢志疆場犯豕突之鋒委身原野變至慘矣  
逆刃所指天地爲昏輿櫬而歸山川共咽此忠臣義  
士所以望渝城而殞涕也說者謂奢寅父子何以生  
心樊龍兄弟何以狂逞變起不測逃將安之則嘗試  
論之徐可求等於奢樊非有怨也奢樊於可求等亦  
非有憾也非怨非憾而遽殺之此其故何也徵兵有  
人諸臣不與局內用兵有人諸臣亦非禍先彼豈不  
能高擁牙纛養優憲署以示貴倨而輒爲是僕僕者  
毋亦謂遼事決裂舉朝痛憤誼難袖手情切分憂其



愚公忠主之心真有天日可鑒者生之心可鑒斯死  
之魂足悲卽如科臣疏內所稱可求未至重慶尚有  
因其伏地勸其少需者而可求不聽則可求之貞心  
勁氣豈待死而後決哉故人皆謂可求等死於逆樊  
而臣謂其死於君國人皆謂可求等死於重慶而臣  
謂其死於遼陽也可求等之死與袁應泰之死死等  
耳然應泰殉患難而死可求等爲急救患難而死應  
泰失封疆而死可求等欲保全封疆而死今應泰卹  
矣於可求等又何疑焉除贈官祭葬已經吏禮二部

題覆外應改磨一子以示優異自後繼有永寧之役  
有遵義之失各該文武將吏效死前行保城抗賊者  
往往不乏內除撫按之奏報僉同功罪之低昂明白  
如翁登彥楊汝昇吳弘業韓應龍冉峯鍾文焰曹元  
龍謝奇舉應咨吏部從優陞叙如駱日升李繼周王  
三宅段高選熊嗣先洪應科萬全王登爵王碩輔洪  
維翰左重徐大禮趙愷瞿英都聯芳韓應泰張羽邊  
一禮李世勳楊愈懋郭象儀宋國柱趙光啓吳民望  
王成功馬繩祖李宗顏張子偉焦之桐王朝舉黃金

楊柱尹似康楊振先徐永武黃啓鳴龔萬祿龔崇學  
鄧懋官譚大孝則臣部斟酌成例及依律處分奏請  
定奪此外有袁中繡雷安庶楊應評之戰死然猶武  
官也劉希文以教諭而夫婦同死聶繩昌以舉人周  
清儒以生員皆守城力戰死吳長齡以監生率義兵  
復瀘州後父子俱戰死胡一夔以縣丞鄉官被擄不  
屈死此皆功烈最著但以未經按臣奏報所應行勘  
明白從厚優卹者又有陣亡將士例須按臣體勘贈  
卹如袁朝華劉尚義汪奇雷永祖李榮潘尚德彭勝

毛倫王宗舜徐懋林高國朝朱和郭良臣賈應祿包  
忠李大貴曾定國者有身雖死而別有遺言應行勘  
另議如黃守魁馮鳳雛者有暫雖失守收效桑榆應  
勘其情事輕重收復遲蚤奏明處置如周禮嘉翟學  
程任寵陳達道盧安世蔣守洵董養中劉鼎新蕭魚  
張縉高繼元萬砥周文敏尚登雲劉克紹鄒昌魯王  
國治林必成者有臨刃不屈賊去城全有身已出城  
變生意外應行勘是否免議如張盛治王之杰王國  
傑者有一籌莫展望風先奔如何起蛟馮曾楷李景

融周夢可黃榜王納科曹懋時任復元雷霧陶明通  
俱應如袁任一體提問者有賊已臨城託故徑去應  
勘明褫斥如宋名世張光初李元標者有開門延賊  
甚之從賊應并拏家屬審問從坐如蔣承臯劉養銳  
黎應遠張從善者總之恩典可以濫徼則九泉之烈  
士無色國憲可以倖免卽褒忠之盛典亦虛故臣部  
查核不厭詳明庶遠邇人心知勸知懼至於科臣彭  
汝楠所稱女將秦良玉母子忠君義重復城功高委  
應破格優叙但進兵之時本部業已題加府銜父母

幼子亦封贈授職矣今重慶之功應聽勘疏到日別加優異道臣梁之棟所稱鄉官董盡倫救援重慶身死逆賊殊爲可憫應行改廕旣經各具題前來相應酌議題請合候命下將徐可求改廕一子本衛指揮僉事世襲駱日升李繼周贈光祿寺卿廕一子本衛實授百戶世襲郭象儀贈光祿寺少卿廕一子本衛正千戶世襲熊嗣先洪應科宋國柱王三宅段高選俱贈尚寶司卿廕一子本衛試百戶世襲王碩輔左重洪維翰俱贈尚寶司卿廕一子本衛正千戶世襲

徐大禮贈重慶府同知廕一子本衛實授百戶世襲  
黃啓鳴贈重慶府通判趙愷贈重慶府同知廕一子  
本衛試百戶世襲董盡倫改廕一子本衛指揮僉事  
世襲楊愈懋贈左都督襲陞三級仍廕一子本衛正  
千戶世襲賜與祭葬萬全本職上贈一級襲陞二級  
趙光啓贈一級襲陞三級吳民望贈本職襲陞三級  
龔萬祿贈都督僉事廕一子實授百戶世襲王成功  
徐永武贈本職襲陞三級焦之桐王朝舉黃金楊柱  
贈本職襲陞二級馬繩祖李宗顏張子偉贈守備襲

陸二級王登爵瞿英韓應泰李世勳尹似康贈遊擊  
將軍襲陸二級張羽都聯芳贈都司僉書襲陸二級  
邊一禮襲崇學贈守備襲陸二級楊振先贈都司僉  
書襲陸二級翁登彥楊汝昇吳宏業韓應龍冉峯鍾  
文煇曹元龍謝奇舉聽吏部從優陸叙袁中繡雷安  
庶楊應評劉希文聶繩昌周清儒吳長齡胡一夔勘  
明從厚優卹袁朝華劉尚義汪奇雷永祖李榮潘尚  
德彭勝毛倫王宗舜徐懋林高國朝朱和郭良臣賈  
應祿包忠李大貴曾定國勘明贈卹黃守魁馮鳳雛



行勘另議周禮嘉翟學程任寵陳達道盧安世蔣守  
洵董養中劉鼎新蕭魚張縉高繼元萬砥周文敏尚  
登雲劉克紹鄒昌魯王國治林必成勘明定奪張盛  
治王之杰王國傑勘明定奪何起蛟馮曾楷李景融  
周夢日黃榜王納和曹懋時任復元雷霧陶明通巡

按御史提問宋名世張光初李元標勘明禡斥蔣承  
臯劉養銳黎應遠張從善并拏家屬究問鄧懋官降  
二級立功自贖譚大季巡按御史審明正法施行等  
因題奉聖旨這贈廢及勘明提問等項俱依擬朝廷

卹典以待忠義之臣厚自從厚但死節死事當有分別若一槩濫予何以示勸以後吏兵二部還酌量行欽此又准兵部咨趙光啓被擄逃回停免卹典聽巡按御史勘明具奏

一次請告疏

奏爲親老身病不能供職乞賜休致以安愚分事臣由  
萬曆二十年進士初授大理寺評事歷陞寺副寺正蘇  
州知府廣東提學副使海防叅政告病回籍復起陝西  
按察使轉四川布政洵陞今官臣一介迂愚久塵仕籍  
曾無尺寸以報皇上茲當倥偬之日復叨節鉞之寄卽  
肝腦塗地曷敢不勉奈臣不幸有狗馬病每發痰火輒  
至委頓前與賊相持一百晝夜未免過勞頭鬚盡白憔悴  
不支又念臣父行年八十有一歲道路梗絕音問久

疎近有人自家鄉來者云臣父聞重慶之變驚皇失措及聞成都被圍益日夜悲楚屢屢昏絕臣一聞之不覺痛哭倒地不省人事既而獲甦則遍身不能動履醫生李榮先診視謂濕痰下注頗似風痺見今左足不能動履幾成殘廢矣臣思戎務在躬賊未滅而身先病日夜憂憤益以增劇顧疆場之事關係頗鉅若不以實情控辭恐不任厥職負罪更甚爲此披瀝愚衷冒昧上請伏乞皇上憐臣真病允臣休致儻自今得少親藥餌以苟延視息皆皇上再生之賜也疾痛呼天曷勝仰望懇祈

勅下吏部速爲議覆上請施行臣愚幸甚天啓二年三月十六日具奏奉聖旨朱燮元濟變奏功該省倚賴方切著用心任事不准請告該部知道

司道全城叙功疏

題爲會城關係匪輕司道全城功大懇乞聖明念勞超擢以勵人心事自重慶難作成都被圍皆臣等奉職無狀致貽皇上西顧之憂今仗天威賊已敗逃該臣具報梗概善慰聖懷其間論功行賞有關激勸之大者一時倉卒未暇陳請蓋緣元惡在逋渝城未復尚爲未了之局而臣身在事中又不敢輕述以涉干澤之嫌今臣不幸狗馬嬰病恐一旦填溝壑是使同事諸臣百日勞瘁終委於草莽也是以直披肝膽爲皇上陳之竊照重慶

之變雖若卒起而奢崇明父子蓄異已久何若海等又  
日夜贊之謂海內俱畏川兵而川兵無若藺強先乘無  
備據成都占蜀府以爲根本而後分兵犯順爲謀甚大  
其率賊衆直驅成都豕突蜂擁驟如風雨自謂三日不  
克許唾其面一切狂悖之僞示僭越之情形真令人髮  
豎皆裂而妖人亾命羣然附之方以爲得計時城中兵  
乏餉匱束手無策臣同巡按御史薛敷政左布政使周  
著右布政使林宰副使胡承詔戴燦愷刑員外郎劉可  
訓同知侯世延余新民通判梁文燧推官羅寬知縣王

琪等誓衆登陴俱分必死以報陛下仍相約曰吾輩同舟一處漏則滿船皆壞又如舟在急灘一篙緩則衆力俱廢欲殄外寇先平內難姦細不盡誅而城不可守十數萬衆之中必有被迫非其本心者不用間以離之而城不可守若塞竇自固賊益輕我不開門血戰而城亦不可守盟議既定按臣主巡察臣主調度周著等分屯四門各爲戰守東北二營則奢寅父子所分處也西南二門則惡目朱國用夏啓昌樊虎徐可和羅華屈國忠羅用奢崇漢樊彪李維鼎等所環據也驍勇躋捷之徒



荷旣挺槍其聚若林毒弩飛銃無刻不至晝則喊聲震地夜則號火徹天自十八日圍城以後忽而上橋安笆忽而扛梯倚梁忽而燒門忽而挖牆或四門齊舉或一處間發或大衆當門而空所驟至或日偶寂然而夜則突起或爲援兵以誑我或束擔假走以誘我或令姦民僞降以愚我至於雲樓陽橋土山旱船等項其制疊換其法彌堅設祭懸旗誇耀異常而悉被破壞無一得逞四門出戰大小百有餘陣共斬殺五千三十五人皆四臣親執桴鼓登高監紀每傷一人擊鼓一下而馮城拒

敵所傷與夫挨擠溺水者俱不在數內兩月以後賊自知深入決意死戰每死一人則縛三人以贖數而我兵艱食日久勢將不支按臣主議集各臣諸將而誓之曰事急矣戰亦死守亦死今援兵將集賊方疲於奔命若不大創一番賊必不走援亦不得至一時人心忿激於正月二十八日四門齊出與之併命賊屢犯而屢却自晨至暮三衝其營殺傷無筭遂有受間納款羅乾象等於二更來約欲殺賊自效至五更而火起喊發賊父子乃抱頭鼠竄矣諸如城中細作層見疊出不惟妖人刺

客數百爲羣卽左右近習亦多先通賊以求全者若一刻疎虞必遭毒手諸臣處此心血俱枯頭鬚爲白考之我朝前事臨難城守者間不乏人然未有與賊相對百日間關百戰者亦未有民窮餉盡如蜀之今日且戰且守卒保無虞者總藉皇上如天之福與夫閣部大臣帷幄之謨兵垣職方調度之力而在事諸臣遂得黽勉以從事况成都全蜀根柢爲秦楚滇黔之藩蔽成都存而蜀存蜀存而海內不致騷動所關係匪淺鮮者今督臣新莅氣象一新各路會兵亟圖掃穴正文武將吏奮力

報效之時而諸臣不加優異無以示勸臣安得默默而處於此看得巡按四川監察御史薛敷政世承忠孝望偉鼎鉉申與命於烏臺凜如曉霜明玉斧肅師貞於錦里皎焉秋月湛冰壺蓋自聞變而後以及解圍之期首尾四閱月居中調度出奇制勝晝夜四巡勞瘁特甚所當優擢卿寺卽加節鉞以慰全蜀生靈尸祝之願左布政使周著才兼文武望重華彝籌兵食之機宜良工獨苦決戰守之規畫勝筭多奇右布政使林宰忠誠揭日正氣凌空命將出師令特嚴於細柳安內攘外警已息

於潢池提學副使今陞河南叅政胡承詔岳峙淵淳文  
經武緯招攜討叛六軍貼爾無譁訓卒厲兵三尺卓然  
莫撓分守川西道副使戴燦令德珪璋宏才鎖鑰飭戎  
行而嚴紀律雷動星流操石畫以佐幄帷風馳雨洗恤  
刑員外郎劉可訓素抱赤忠熟嫻黃石叅樽俎之謀議  
指揮穎見智囊料壁陣之機權擘畫風生武庫除劉可  
訓已經臣議留會題外此四臣者與臣同患難躬行伍  
死守血戰爲皇上保此疆土而淪陷州縣衛所四十處  
皆已恢復厥功不細所宜照遼陽近例亟議超擢以勵

人心而底成蹟者也成都府同知侯世延朗識洞如懸  
鑑長才捷若轉圜借箸心勞奔馳力苦署成都府事重  
慶府同知余新民盤錯雄才神武朗識志在除兇雪恥  
操嚴茹蘖飲水成都府通判梁文燧器識高明才猷倜  
儻倅郡賢聲久著緝姦勞勩居多行取推官羅寬粹品  
隋珠卞璧雄才鏤鄒干將禦寇功高清華望偉華陽知  
縣王琪英標立玉素節凝冰處貼危而籌畫多方當繁  
劇而拮据備至以上各官誼切分猷功當併叙伏乞勅  
下該部覆議施行其餘城守有功及諸將士汗血戰守

者容臣逐一查明功次分別賞格備細另奏臣不勝感  
激待命之至天啓二年三月十六日具題奉聖旨該部  
知道該吏部覆將林宰陞左布政使胡承詔加陞河南  
按察使戴燦加陞右叅政奉聖旨是

加銜賢令理餉疏

題爲懇乞聖明擢賢令以襄軍餉事據四川按察司兵  
巡上川東道副使徐如珂呈稱昔年征播之役三省府  
官無不加以監紀督餉職銜故衆思集而成功易也今  
自逆酋倡亂以來徵兵徵餉之數雖急於星火而督兵  
督餉之官則稀如晨星豈所以分猷念而操勝筭哉本  
道自去冬入境重夔兩屬寥寥無人朝夕計議者惟墊  
江縣知縣劉國藩已耳而一切兵餉無不取給焉夫以  
一知縣之力欲行於二十州縣已自掣肘難行况舉上



下川東之餉而盡責其料理若非加以事權其能指臂使而呼吸應乎及查本官歷俸已及三年勵操堅如一日勞心撫字澤已遍於渝肌遇變動勤才尤辦於迎刃蓋品望原稱卓越而資俸尤屬相應合無加陞重慶府同知職銜專督重夔餉務仍管墊江縣事俟賊平之後另行優叙等因詳報到臣除批行外爲照逆賊倡亂雄據渝城長壽處賊下流地最喫緊墊江距渝僅二日程知縣劉國藩殫力防禦地方賴以無虞及委理上下川東餉務本官往來催督諸事調停石砭等司土兵屯劄

長壽糧餉悉取供於此軍聲稍振賊遂不敢東瞰夔門  
本官之功多矣茲樊龍等尚據重慶奢寅復恣狂逞臣  
已檄行總兵楊愈懋及東南監軍道將分兵先復渝城  
以弭內患次掃賊巢擒賊父子今大兵雲集急在需餉  
儻理餉得人俾士飽馬騰何難滅賊重夔餉務向屬劉  
國藩董理緣以職銜相等恐致催償違時據呈本官資  
俸俱深委應加銜督餉臣謹會同總督川湖雲貴等處  
軍務兼理糧餉兼制陝西漢中地方兵部右侍郎兼都  
察院右僉都御史張我續巡按四川監察御史張論看

得墊江縣知縣劉國藩才猷博大品格清貞撫字春滿  
萬家理餉權騰一路既經該道議呈前來相應題請伏  
乞勅下吏部再加查議如果臣等所言不謬將知縣劉  
國藩加陞重慶府同知職銜專理上下川東二屬糧務  
仍管墊江縣事俟事寧優叙庶理餉得人而軍需攸賴  
矣天啓二年三月十六日具題奉聖旨吏部知道

報建武長琪失陷疏

題爲塘報賊情事四月初八日據總兵楊愈懋塘報本月初三日據建武提兵候任遊擊龔萬祿掌建武所印加銜僉書李世勳報稱前月十六日據防守小隘子西關界牌等處守備指揮等官趙景雲李有貴周國禎等各報稱奢酋點兵數萬劄麻塘坎準於次日令叛目阿弟等領一枝攻西關取長寧縣胡宗祿麻老虎等領一枝由大壩界牌四路夾攻建武等情飛報到職該二職計議令李世勳保固城池都司袁朝華陳應吉聶世衡

等官兵往援小隘子守備宋榮煥等官兵往援西關又  
差官張天祿往援珙縣都司陳上策守備李一山王維  
垣等星馳往救長寧萬祿親督坐營守備宋榮炳劉尚  
義等官兵五路併進與賊對敵我兵銃傷叛目馬軍三  
人賊勢遂潰大兵追入苗寨斬獲苗級二十顆生擒苗  
男婦十四口得獲牛馬三十餘隻又將各寨苗房燒燬  
殆盡比日因防截小隘子官兵奮勇拒敵追賊深入遂  
被圍困致宋榮煥營內殺死提調沈應魁并領兵官共  
玖員守備喬啓明綁去指揮聶世衡次日在途逃回傷

死甲兵百餘等因到鎮看得奢酋擁衆數萬攻打建武  
本鎮原已調遣分布戒諭申嚴今據所報功級雖稱不  
多然一時奮勇追賊入巢則叙南各縣可使無恐等因  
十一日又據兵巡下川南道叅政王世仁報稱前月十  
九二十等日節據建武報警於本月差守備周啓先蔡  
應龍郭之禎陳應吉前往應援續於二十六日據長寧  
縣報警隨又撥千總尹溥王應祥兵共五百名守備周  
良才兵五百名及移會范副總撥吳仲兵三千名吳伯  
兵一千名張明遠兵一千七十名鄭欽明兵一千五百

名本道又差指揮丁槃帶兵二千名前往督陣而四月初一初二等日據報長寧珙縣因見賊勢重大百姓盡行逃避我兵接戰雖有斬獲而賊已入空城矣除一面訪各地方官之退避及各領兵官之逗遛者另行呈報等因十五日又據總兵楊愈懋叅政王世仁副使赫奕各報稱初九日據遊擊龔萬祿投見稟稱奢崇明父子暗借烏撒生苗督同官保統領交戰城中無食恐賊圍困只得領兵四路堵截初四日一齊前進賊已被圍不意乘虛衝入城內以致失陷本官猶奮勇殺入城中見

賊勢重大自刃一妻二孫復殺出城指揮李世勳竝妻  
女赴火而死軍兵竝未失散請支銀米竭力勦賊以圖  
恢復等語理合塘報等因各到臣該臣會同總督川湖  
雲貴等處軍務兼理糧餉兼制陝西漢中地方兵部右  
侍郎兼都察院右僉都御史張我續看得建武素稱險  
塞密邇蘭巢爲賊門戶逆酋自敗歸之後無日不圖吞  
併故擁衆數萬極力攻打而又截劫長寧高珙以絕建  
武聲援始被龔萬祿等分兵應敵賊鋒少挫奈何烏鎮  
暗助官保逞兇遂致應接不暇長寧建武相繼報陷珙



縣原無城垣亦爲賊據龔萬祿雖云出城堵截難免失陷之辜但念本官素稱驍勇頗有戰功姑令戴罪殺賊若能恢復故物仍從優叙指揮李世勳同妻女就焚忠貞可憫俟查確之日厚加卹錄其餘有罪員役并死事官兵另行查究優卹除再檄總兵楊愈懋及監軍將領等官速發官兵相機恢復保固叙府及行上南建昌二道嚴加防堵外理合具題伏乞勅下兵部再加查議覆請行臣等轉行龔萬祿遵照戴罪殺賊仍行巡按御史總俟事寧之日甄別功罪一併勘覈具奏施行爲此具

本謹題請旨天啓二年四月十七日上奉聖旨兵部知道該本部覆將龔萬祿戴罪殺賊立功楊愈懋附簿紀過奉聖旨是

塘報水鎮烏撒助逆

爲塘報賊情事四月二十日據總兵楊愈懋報稱本月十四日據塘報湯甫等稟稱奢兵一萬有餘要攻南溪江安等處本鎮隨令副將鄧懋官周良材并調新到毛兵一千前去協力進剿本日辰時又據建武塘報劉志誠等稟稱路遇建武逃民殷雄聞得奢崇明將弟婦配與官保又往各土司借兵一枝出南廣一枝取馬湖并攻叙府復上省城如得勝做場好漢如不勝要走建昌逃入小西天藏身本日巳時又據塘報杜啓稟稱探得

奢寅差土目張立兒何希堯統領烏撒苗兵數萬欲往高琪等縣地方搶掠米糧等情到鎮卽遣發標兵坐營吳民望同馬湖官兵前去堵截本日未時又據加銜指揮李鳳崙拏獲慶符縣被擄逃回民四保審據供稱奢賊與烏撒鎮雄各土司借兵數萬要搶省城衆人說大兵已到天氣炎熱奢蠻不聽意要犯搶又於十二三日據各路塘報防禦官兵拏獲奸細羅啓忠王進富謝時春審報奢酋情形與塘兵哨探脗合除梟示外乞催杜總鎮速來協力進攻以安地方等情同日又據職差官

朱國才稟帖報稱鎮雄女官祿氏遵照本院傳諭督同  
理目魁事胡登瀛并隨府長官王允中等率各苗目歛  
血盟誓各取不致犯邊甘結在卷但未禁之先該府有  
邊苗住聯水蘭烏撒并古係種類爲親者乘水西烏撒  
大變酋賊勾引出境劫掠人財祿氏得分差人緝擊并  
追劫掠人牛解交原主卑職同鎮雄差漢把龔士元前  
往水西傳諭俟探討真話回報及查奢酋將弟婦招誘  
安官保去年九月差人來接泄漏鎮雄起兵圍守不得  
過去今年二月又叫人來暗誘官保已到酋處酋將墨

水潦軍與他管理等情先是職差貢生王信等獎諭烏蒙烏撒鎮雄東川等府土官并差官朱國才傳諭水西土婦奢社輝母子各保爵土勿聽奸附逆仍協心僇力共圖滅賊去後隨據王信稟帖報稱鎮雄烏蒙東川等府各安靜無異惟水西被奢酋誘惑於二月初二日攻陷畢節衛圍困貴州烏撒府土官安効良亦與兵攻圍烏撒衛幸有沐兵在內亦不能破又稱將畢節兵備道并駐鎮楊通判及遵義府張同知俱羈在水西等情到職看得鎮雄壤接叙南據報助兵情亦有之但在該府

上官則歷訴其感激效順在邊民則又稱鎮雄借兵大  
抵苗性犬羊陽順陰逆實未可知至於水西攻衛圍省  
及羈繫道府等事與烏撒興兵攻衛遠在黔中難信爲  
確俱俟再查另報除行總兵楊愈懋及各監軍將領等  
官率兵防禦進攻并催總兵杜文煥前去分理策應外  
理合塘報天啓二年四月十七日塘報兵部